

# 清詩紀事

## 道光朝卷





道光朝卷

清

詩

紀

事

十五

錢仲聯主編

江蘇古籍出版社

清詩紀事 (十五)

道光朝卷

主編：錢 仲 聯

出版：江蘇古籍出版社

發行：江蘇古籍出版社

印刷：邗江古籍印刷廠

開本：三十二開(八五〇×一一六八)

印張：二十六點八七五 插頁：五

字數：五十七萬八千字

印數：二〇〇〇册

一九八九年五月第一版 第一次印刷

定價：二十四元 整

## 常守方

字職卿，號半禪，直隸樂亭人。道光二十四年甲辰舉人。有半禪初草、臨溟遊草、臨溟續遊草、昌園遊草。

李夢花礪陽詩話引史夢蘭止園詩話：「常職卿性聰敏，善讀書，弱冠補邑庠，科歲試輒高等。計偕七次，至甲辰始魁其經，時年已三十六矣。三上公車，兩薦不售，癸丑入都應禮闈，且謁選。適粵匪大擾江南，旬日內連破三會城，畿輔震動。慨然曰：世事如此，何營營於名利爲？遂不終場，同余遊田盤山而歸。性好飲，諳音律，尤工橫吹。每遇佳山水，或花前月下與友朋讌集，輒手橫紫竹一枝，飄飄有世外之想。詩筆清超絕俗，與余相處最久，唱和亦最多。聞遼東山水名勝，因橐筆出山海關，薄遊三載，吟咏益富。歸後，於村東闢園數畝，爲菟裘之所，顏曰培園。蒔花藝果，躬親抱甕其間。暇則茗椀薰鑪，與生徒坐談文藝，絕不問世間升沈事。易簀之時，手檢詩文數冊，呼家人付余刪定外，無他語。家人環泣，則曰：人生如戲劇耳，悲歡苦樂，終有散場，何泣爲？遂含笑而逝。詩佳句甚夥。五言如關黎洞云：「地有千尋峻，途無一尺寬。不防投足誤，應悔轉身難。」泛舟佛洞山云：「水鳥衝烟白，巖花落酒紅。」安山早發云：「疏樹見栖鳥，遠村聞吠鷹。」九月至

郡城云：「歲歉酒彌薄，地寒裘欲重。」遊蟠龍寺云：「引泉僧種菜，倚壁樹懸鐘。」嶺東小村云：「風定炊烟直，雨餘溪水渾。」七言如偶成云：「掃葉暫供煎藥火，典衣權作買書錢。」又云：「有女但嗔儲果少，無兒翻悔積書多。」遊盤山云：「林外閒雲拖綺帶，澗邊流水度瑤笙。」登挂月峯云：「塞外林巒皆下視，塔端日月只平臨。」郡城晚眺云：「寒日半堤秋水瘦，遠山一角落霞明。」春草云：「殘雪漸消青匝地，遠雲低合碧黏天。」西堂夢醒聯吟日，南浦魂消送別年。」雪晴云：「喜動鳥聲驚樹杪，凍消簷溜下階坳。」書悶云：「酒難破悶空浮白，草未萌芽強踏青。」皆新穎可誦。」

之 壬戌九月史香崖約登碣石余以事不果往香崖歸以遊山詩見寄走筆酬

我生好遠遊，襜被輒千里。遇客談名山，未往心先駛。碣石在鄰境，視如尺有咫。五十餘年未一登，腰脚之力非無憑。同人相約作重九，振臂呼山山早饜。計日脂車將就道，豈虞人事有顛倒。未採茱萸常棣摧，方憂荆樹菊花槁。孟嘉那復到龍山，阮孚蠟屐終置閒。惟讓香崖老詩友，高吟紅葉白雲間。卻思得日亭邊路，石覆清泉烟覆樹。我本靈山會上人，奚獨無緣共攀附。從知壺嶠與瀛洲，羣仙來往皆前修。且將示我新詩稿，素壁粘懸當卧遊。

李夢花碣陽詩話：「壬戌子月十三日，余買山於昌黎城北，方擬邀之偕往相度明日，而職

卿病，病時，遣人囑余延醫，及醫至，而職卿氣絕矣。是歲重陽，和余遊山詩有云：「嘉那復到龍山，阮孚蠟屐終置閒。惟讓香崖老詩友，高吟紅葉白雲間。」人以爲讖云。」

## 郭崑燾

字仲毅，號意城，湖南湘陰人。道光二十四年甲辰舉人，候補四品京堂。有雲卧山莊詩集。

楊鍾羲雪橋詩話餘集：「郭意誠與兄筠仙侍郎俱負時名。壬午卒。有雲卧山莊詩集。」  
徐世昌晚晴簃詩匯詩話：「意城幼從羅忠節讀宋五子書，慷慨論世事。張惠肅招佐幕府，與左文襄共事。文襄作書札，輒自署老亮，目意城新亮以諧諷見志事。意城雖迭佐大府，灰盤密謀，多所參與，而不樂仕進。晚以子慶藩官浙江，安輿西游，終於養舍。」

## 題晚涼看洗馬圖

句

廿年黔楚籌邊策，千里騰驥伏櫪心。

楊鍾羲雪橋詩話三集：「時卿表伯裕麟罷官後，僑居長沙，郭意城爲題晚涼看洗馬圖，有句云云。其寓廬後爲瞿文慎所得。同時文瀾方伯祥奎，罷官後居成都之洗馬池，爲周執菴

通政別業，顧幼耕爲作芙蓉池館記。皆後來志流寓者所當采者也。」

## 譚瑩

字兆仁，號玉生，廣東南海人。道光二十四年甲辰舉人，官宣化州訓導。有樂志堂詩文。張維屏藝談錄：「玉生萬卷羅胸，七裏在手。吾粵二百年來論駢體必推玉生，無異辭者。詩不多作，作則性靈書卷兼而有之。」

徐世昌晚晴簃詩匯詩話：「玉生幼穎悟，於書所不窺，尤長於詞賦，爲阮文達、翁文端所激賞，以文行矜式鄉閭。性坦率，與人交不作應酬語，若與論學術是非、人品心術邪正、詩文得失，咸推勘入微，凡所譏訶，悉中癥結。」

費行簡近代名人小傳：「清代駢文，冠宋以後。然若袁枚、王曇之屬，句累八九字，強嵌成語，固是宋人流派。郭頻伽則篇幅狹狹，貌雖似古，神則離焉。劉芙初諸人，雖整麗矣，而卒不能忘情後世誥敕之體，求能昌博道麗，若初唐四傑者。乾、嘉以後，斷推玉笙矣。玉笙，瑩字，即以名其集者也。南海人，以拔貢舉於鄉，少肄業學海堂，年方十八，阮元時督兩廣，試荔支、佛手兩賦，曰：工細妥帖，而能不囿近體。從此嚮學，何有齊、梁。自是課試輒冠其曹，有聲於時，爲齋長凡二十餘年。選教職不就，同治初卒於家，年八十

有九。有詩文集、廣語邪。爲文長篇鉅製，意義不窮，而語皆錘鍊，唯小品不多作。詩若吳偉業，有嫌其虛字太少者。瑩和謹謙厚，雖文辭妍儷，而操履篤實。飲於妓筵，面輒發頰。晚歲喪偶，一室獨處，沈淫典籍。有勸其學佛養心者，曰：吾心不放，何待養哉？又曰：佛法未入中國，人其以何者娛老？故終不窺梵夾。八十後偶論時事，輒能預道成敗，尤善相人。有京師優初至粵，富商潘某挾赴燕，指告座客曰：此將軍公子也。優固善酬酢，進止合度，人皆弗疑，獨瑩微笑。客散，有叩其故者，曰：是有賤骨，後當爲人嬰童。潘聞之，乃大笑，道其實。衆服其神。窮所師承，曰：是可有秘術，閱人既矮，心不爲蔽，則吾日猶鑒矣。一

### 繳阿芙蓉詩

戰艦嵯峨，獨檣填波。海風腥黑，阿芙蓉多。狼機守護，錦帆當路。海日空明，阿芙蓉駐。互市督臣之所司，拒關諫臣之所知。大臣奉天子命，懷柔震疊靡不宜。汝英吉利，汝胡不逃？將軍天下，雕旗銀刀。汝英吉利，汝胡不死？幕府地遙，叢矛注矢。汝英吉利，汝何不歸？蓋舳櫓，岸合長圍。汝英吉利，汝胡不返？水榭霞廊，厨空未飯。大臣之心，中外所欽。大臣之諭，顛愚可悟。大臣曰兵，霧閣星營。大臣曰屬吏，繡鞍玉轡。大臣曰商，鐵軸牙檣。不繳汝不能飛，不繳汝不能出。殺人者抵，殺億萬人者議遵何律。羈縻勿絕，敢沿其說。纖悉不留，亦復何求。鼓



角哀，鑿首來。高冠兮長劍，面色作死灰，釜魚籠鳥吁可哈。燃犀相通知多少，萬八千箱排日了。羽檄催，關市開，鬱林石壓空船回。驚聞大臣又傳令，罌粟香濃還未盡，蠢爾西洋早傾聽。巨浸茫茫獨澳門，市舶先朝泊蠓鏡。

按：道光十八年五月二十二日，英國東印度艦隊總司令馬他命海軍少將率兵艦威里士釐、阿吉林號抵達中國。欽差大臣林則徐至廣東查禁鴉片，擬訂禁烟措施六條。又從六月三日  
至二十五日，費時二十三日，將二萬一千三百零六箱鴉片燒毀於虎門太平鎮。

## 戰艦行

罌粟香銷毒龍死，懸鐘如山亘百里。五管何妨長閉關，羣蠻誰容復互市。大臣虎門親督師，小醜肯令重置辭。獨檣遠颺宜可截，巨砲陡發幾難支。軍門大呼勞戰士，收帆繫纜火激水。戲把撐蒲運甕難，醉耽麴蘖投膠似。草棚之謔將無同，柁樓榜墮腥血紅。多多善此收餘燼，緩緩歸仍敢下風。霹靂欲鬥天如夢，鄒魯當年真一闕。龍雀刀環特自持，佛狼機焰聊相送。鹽槽而外即拖增，壁壘森嚴到幾層。咄咄逼人君莫悟，姍姍來者敵應憎。急繕封章先入告，帝特錫巴圖魯號。功成宜築觸髅臺，但說沿江覓倭帽。

## 後戰艦行

大角沙角兩臺破，蓮花山中張酒坐。雕旗銀甲列華筵，文犀翠羽通蠻貨。國家承平二百年，重臣往往工籌邊。失計胡爲至割地，愚忠或者能回天。天語煌煌宵主撫，嶺外重開都護府。弩隼矛穴頓成灰，火艦風船急於雨。登陣老將獨橫戈，滾滾濤聲鬼哭多。食兵未足違言信，戰守綦難第議和。犬牙相錯華夷界，樓櫓萍漂總摧敗。回帆此地已難言，鑄砲伊誰偏自壞？軍門一死作鬼雄，長驅直與牂牁通。更有鐵鎖攔江黑，賸有金幡照海紅。虎門重鎮原無懼，碎身果足酬恩遇。橫挑邊釁究何人，局外旁觀論召募。

## 邊事十一首

容易知邊事，何曾讀父書。伐謀多上策，激變有前車。壯往宜商略，綏懷仗卷舒。快哉真寢處，皮肉諒無餘。

抵死酬君父，前生定尾箕。英雄剛得半，吳越總難支。足愧逋亡者，爭傳決絕詞。聖恩高厚極，賜諡立專祠。

半壁東南寄，三公閎閱高。親賢同衛霍，威重此蕭曹。幽薊從軍樂，荆襄轉餉勞。柰何房次律，仍復敗陳陶？

閩浙兵俱滿，吳淞寇轉深。馭戎誰少保，專閩有梅林。習膽懸軍守，銜鬚報國心。通倭明代始，蹂躪似如今。

風利錦帆指，邗江定潤州。金焦各門戶，南北此咽喉。地險宜先據，軍儲可自由。重臣都束手，空切杞人憂。

蠡爾英夷類，西來萬里遙。武侯擒孟獲，疏勒畏班超。虎負嵎非固，蛇奔穴易驕。蛟門偏不守，逕抵駱駝橋。在寧波府。

龍驤王濬少，風鶴謝玄非。忠武黃天蕩，開平采石磯。渡江聞將令，背水學兵機。誰獻和戎策，蕪城未合圍。

今上推神武，豐功涿鹿過。何嘗待征權，端欲靖干戈。前代需求異，偏隅殺戮多。九重崇儉德，丹詔許求和。

五利言非謬，誰令互市分。重名偏瑣屑，浮議太紛紜。寬大胥懷惠，羈縻舊策勳。嶺南原重鎮，永憶故將軍。

香港知難畀，舟山幸已遷。盈廷如聚訟，籌海夙成編。臧紇要君似，備如殺敵先。親軍龍武駐，果願勒燕然。

瀕海彌多盜，中原轉易窮。碎同和氏璧，得擬楚人弓。有日思移市，曾誰論徙戎？罪言如杜牧，惆悵酒尊空。

## 妖氛

銅馬妖氛息，金貂相度尊。居然新建比，倘罪牧之言。徙海鯨鯢戮，同城虎豹蹲。側聞趨幕府，臂指有千村。

包藏心悔禍，農瑣刺酋豪。奸蠹宜披剔，逋亡敢遁逃。連營兵檄緩，合市砲牆高。實徂蒲騷役，元戎莫楚敖。

按籍工團易，傭工與情農。街談知將略，兒戲睹軍容。便喜民心固，曾霑帝澤濃。練兵籌餉亟，勁敵可摧鋒。

重鎮三城駐，榮封五等班。特恩緣卻虜，雄略待平蠻。抗疏原周密，尋詩亦等閒。梯航宜弭伏，烽落遍三山。

造謁求先拒，披猖益可知。有人稱虎將，曠昔避獅兒。難得如宏演，謂某中協終當斬月支。城東聞轉戰，蕃舶載流尸。

才望張忠定，安危郭令公。深沈推智勇，鎮靜類英雄。校射方求士，移書特諭蒙。均疑杜武庫，成竹具胸中。

傳箭燦幢急，飛丸霹靂光。將軍思李廣，丞相憚王商。防海千帆集，籌邊兩鬢蒼。監門誰鄭俠，揮淚繪流亡。

轉寰誰請箸，議款暫求安。重譯曾開館，專征道築壇。  
渾城盟可劫，陸抗事容彈。縱火城廂遍，扶胥物力殫。

潘師曾詣署，驕虜易翻城。孤注真良策，三端信定評。  
曹彬書籍在，王霸酒尊傾。差勝穿芒屨，丹陽預習行。

定遠班超貴，和戎魏絳非。觀書還自若，作客乃如飛。  
啓事言之數，知交謁者稀。單于非此輩，高譙合長圍。

未築觸虜臺，孤魂日自哀。焦金驚石破，掣電夢雷來。  
齒豁埋餘燼，香花話劫灰。江州米籌唱，爭許軼羣材。

負固緣香港，乘虛剿內洋。攻心同馬謖，剪馘異陳湯。  
絕島周迴隔，懸軍去住忙。九龍天下險，矢水任艤。

曾靖紅巾亂，治兵鎮海樓。獨檣何以禦，一失懶相酬。  
憤惋多新鬼，蕭閒比故侯。倉皇經四月，持重抵千秋。

降幡當早豎，疊鼓不曾停。警報歸帆挂，傳聞戰壘崩。  
綠章司命醉，十二月二十四日。銅柱馬援靈。得月臺非舊，凌烟閣畫形。

豪縱壓憂患，亂離休問天。三苗虞舜竄，一葦范蠡還。  
南岸村名叢編棄，西堂雜詠傳。西園雅集堂詩  
文集，余初稿也，多感事詩。消寒兼餞歲，扶醉入新年。

## 書事

百年流毒遍中原，詔許銷沈不復存。犒賞本當求聖主，羈留何以答諸蕃？  
盤酋狡獪戈船徙，大帥威名幕府尊。犀兕虎狼情性類，能開湯網亦君恩。  
編查路隔海漫漫，循吏誰行保甲完。或者敵情原反覆，由來民力易凋殘。  
宣威殆欲兼恩信，革弊仍當早又安。孝子順孫非此輩，桃僵李代膽先寒。  
覽鏡端疑相不侯，何妨徑斬月氏頭。羈縻勿絕相沿久，控馭綦難到此休。  
法外意惟賢相得，死中生獨古人求。贊皇勳業非常者，也爲籌邊預築樓。  
誰言民命許私和，讞決無由竟若何。原可調停如轉轂，不教羅拜各投戈。  
戒心此後包藏固，軍事從今曉暢多。記取廣州全盛日，展重陽節醉時歌。

## 聞警二首

全局仍當借箸籌，太平偏令缺金甌。孤懸海外原難守，欲返江南可自由。  
天下軍儲多或辦，舟山縣境亟宜收。前明倭寇原殷鑒，獨恨兵端迴不侔。  
重臣表薦特和衷，閩浙燕齊一水通。論到持平中外似，曷由激變往還窮。  
知兵原愛周遐邇，報國無勞效樸忠。聞道福州頻奏捷，模糊或與虎門同。



沿海驩然亦可哀，片帆東指又登萊。懷柔原許宣君德，剿撫何嘗愧將材。誤國病民明旨在，貪功喜事寸心灰。津門咫尺連畿輔，馴象生犀萬里來。

### 寄懷徐鐵生大令

消息驚聞復雨東，故人遠宦久從戎。妖星激射旌旗換，大樹飄零壁壘空。擊楫原宜師祖述，請纓真悔學終童。寒泉一掬臣心白，其奈郊原戰血紅。

膽大吾欽趙順平，由來將種例知兵。彤弓玉節軍先潰，火艦風船敵可輕。瀕海依然淪異域，舉朝還欲倚長城。尤憐閩郡遭焚掠，水戰誰偏使陸行。

薦舉深恩決不疑，擁旌仗鉞竊相推。彈章慷慨膺殊錫，羽檄縱橫悵遠離。文字盍裁淇督誅，姓名誤學薰人碑。中州千里河流梗，斜日蒼茫倘哭師。

幕府談兵大有人，東南重鎮太平民。督師卻令同孤注，所主原期似積薪。魏絳和戎誠下策，魯連蹈海倘前因。至尊宵旰仍矜卹，又辱星軺到重臣。

### 流花橋春望

四首錄一

兔葵燕麥問劉郎，紫爛紅稠水亦香。焙鴨人家兼漚苧，種魚天氣合分秧。雍田昔占鴛花局，俗社都經劍戟場。誰信笠簷蓑袂者，嶺南憑仗作蠻防？

自注：「謂辛丑四月三元里之捷。」

按：以上詩均詠鴉片戰爭。

### 嶺南竹枝詞

百首錄一

優劣由來莫定評，南中品第更誰爭。竹垞自是平章老，降紫頒紅論最平。

屈向邦粵東詩話：「朱竹垞曾親嘗閩、廣佳荔，評曰：荔枝以粵中所產掛綠爲最，福州之佳者，尚未敵嶺南之黑葉。故南海譚玉生盤嶺南荔枝詞百首之一云云，詩見樂志堂詩集。」

### 句

曠代逸才征戍死。

李文泰海山詩屋詩話：「駐粵漢軍詩學倡於鐵孫觀察，魚亭殉難，尤以節義相高，其詠善提紗云：『已墮綺羅休問劫，幸留風骨莫爭華。』已見其概。譚玉生先生輓以詩云：『曠代逸才征戍死。』人謂非先生不能當，信然。」

## 胡琨

字美中，號次瑤，浙江仁和人。道光二十四年甲辰舉人，候選教諭，太常寺典簿銜。

### 撲滿

疇把慳囊破，庸夫例守錢。是中原渾沌，其閉勝關鍵。漫比卮無當，群誇壑可填。擊鉞同吏智，入甕請君先。飲飽盈升橐，全憑徑寸咽。狀摹讒鼎肖，名記鉅筭傳。廓落腰圍大，逢迎口角圓。鷗夷盛處處，顛蹙運連連。插脚皆津要，撐腸豈簡編。封椿聊作庫，投匭未須箋。通透周陶穴，微芒蜀漏天。重輪榆莢聚，靈竅藕絲牽。傀儡場登矣，葫蘆樣畫焉。金多終擲地，玉碎早成煙。厚斂三都賦，紛流九府泉。環摧齊殿上，斗撞楚軍前。權總歸於母，胎雖可脫仙。貫盈纏解散，巢毀卵完全。甄已拋門外，芻從轢道邊。蚨飛光歷亂，蜨化態翩翻。主父遭烹日，齊奴赴市年。散來真滿屋，得後竟忘筌。墮甌邀誰顧，遺簾枉自憐。寄言牟利者，休恃腹便便。

徐珂清稗類鈔物品類：「撲滿，即鉅筭，範以瓦，爲受錢器，見漢書。道光時，北地尚有

仿爲者，形如小瓶，高尺許，上有竅，僅容一錢可入不可出，既滿則撲之。昔鄒長倩贈公孫宏撲滿一枚，蓋隱寓聚而不散之誠也。仁和胡次瑤典簿琨曾見之，詠以詩云云。」